

尙書公派譜序

夫人之生于世也上繩祖禰而知所以孝悌焉下貽子孫而知所以慈愛焉旁親九族而知所以惇睦焉是所謂本立而道生者也聖人教人實不外是而氏族之譜蓋亦由是而生焉自近而及遠由親而逮疎雖千百代至千萬人亦皆同祖而共貫固宜收舉合同聿修其溯本裕后惇宗之義者乃作譜之本領而苟其派分枝列斯萬斯億勢不能盡合而同之則就其派別之族而奠世系明昭穆以爲家牒而各修焉者亦自有前人之述矣我李氏肇自羅初歷歲數千遂爲東方大姓自肅廟甲子大譜以後計世續修者凡幾度又各有派帙家牒之前後修正而今又生齒繁衍亂離搶攘正當修譜之期矣迺者族人圭東鍾台甫詢謀諸宗議以松巖文僖公三房胤尙書公派譜收合名單而成書焉設役於湖西

之大田蓋以文僖公長子文孝公派譜時適有同地爲役之會而  
共做我大小宗花樹之奇緣也印既就繕不佞題卷端嗚呼余何  
言哉竊惟我先世績德累仁克昌厥后分派而派有名碩繼世而  
世有閎閱固已爲甲乙之望族而至我尙書公後又復熾昌多聞  
人若吾白沙文忠公則爲國著龜有擎天柱日之功厥施斯普人  
皆仰之況爲其同派之親乎又況爲後承之孫乎想其所以爲功  
而推究之則亦惟曰孝悌而已矣然則所謂孝悌者寔爲溯本裕  
后惇宗之大關鍵而爲吾同譜人之所共惕念者也古語有曰求  
忠臣於孝子之門凡爲國爲家者曷不存省於是苟有智者將有  
感於斯文歲丙申小春 日裔孫圭初謹序

舊譜序

英廟戊辰

慶州之李寔東方舊族也漢宣帝時始祖以楊山村長佐羅祖開國而儒理王賜姓李氏古者軒轅之王天下也有子二十五人其得姓者十四則是有土有官得以爲姓也開國功臣之賜姓豈以是與周禮樂官司商定音律制姓名鄭公孫揮辨於大夫之族姓班位貴賤姓氏分別其來亦久矣漢晉以後紀譜志族盛於歷代而歐陽公取法於史氏之年表蘇老泉取法於禮家之宗統黃山谷譜七世以上疑不能明者畧而不著蓋慎之也我東三韓之世文獻無徵新羅百濟高句麗派分鼎峙爲干戈疆域而史牒不全況於氏族之譜系乎李氏始祖以下爲羅世臣而譜錄無傳至羅季蘇判公紀其世次按羅史世家大族號稱真骨大骨而蘇判秩貴惟真骨得授是職則可知其世爲貴族也蘇判之孫事麗太祖

仍繼世簪纓僕射公有三子皆以文章大顯益齋眉州詩序吾大  
人三昆季雖不敢自比於蘇家父子亦可以名動一世非誇也三  
世八卿四文衡五魁元古亦未有趙簡詩具慶提衡罕見聞閔漬  
詩華萼三家五榻魁者是也逮乎我朝名公碩輔節義文章考  
諸名臣錄文衡譜鼎席盟府王署藝苑諸錄彬彬相望支派蕃衍  
而無一染涉於凶險汙辱此莫非祖先懿範休澤之所及而凡爲  
子孫者其可不忠勉飭繼述之道乎舊譜之刊甲子重回諸派之  
孫已易三世皆當追錄故又此續成審稽遺文芻據諸譜而正其  
訛舛補其闕畧叅用年表宗統之遺法舊譜之未備者芻註添錄  
而疑者闕之亦致慎之意也程子曰管攝天下人心收宗族厚風  
俗使人不忘本須是明譜系收世族立宗子法今我同宗之人本  
出於一人之身而轉爲面目不知聲聞不及之人其不至於相戕

剪同禽獸者幾希顧念其本寧不慄然宗法譬猶木之正榦分而  
爲枝又有芻枝達而爲榦所謂天子建國諸侯奪宗而亦各有大  
宗小宗親疎近遠之分同五世爲近宗同十世爲遠宗溯以上之  
雖百世千世亦同宗也近者親遠者疎亦天理之節文而同宗則  
同本不識面不相聞而不同於路人者以譜系之明也人旣尊祖  
重本而推其孝悌之心則朝廷之勢自尊今此世譜之修不但收  
族敦宗而尚亦有助於 聖朝厚俗之政教云裔孫嘉義大夫行  
承政院都承旨兼 經筵叅贊官春秋館修撰官藝文館直提學  
尚瑞院正重協謹序

始祖諱謁平

遠代孫居明子金現

一世

蘇判○新羅官制  
蘇判惟眞骨受之  
唐令狐澄新羅記  
新羅貴族謂之眞  
骨始祖以下失系  
李牧隱撰益齊墓  
誌只載蘇判公以  
下

子金現

二世

兵部令○新羅法  
興王置兵部令大  
阿鬻角干謂之得  
兼宰相羅麗習俗  
父子襲名如權幸  
子仁幸龔直子直  
達是也公之父子  
以金字名恐是此  
例

子金書

三世

中原太守戶部郎  
中始仕高麗  
配金氏敬順王第三  
女麗太祖外孫號  
神鸞宮夫人敬順  
王納土入朝高麗  
太祖妻以長女樂  
浪公主比之神鸞  
賜號其宮○麗初  
李開亦以慶州之  
李爲陝川戶長仍  
貫江陽江陽陝川  
屬縣也

子潤弘

四世

兵正○高麗仍置  
兵部令及兵正秩  
視宰相

子承訓

五世

正朝侍郎○高麗  
官制內史侍郎門  
下侍郎平章事中  
書侍郎選秩六品  
卿職七品曰正朝

子周復

六世

子廷齊  
侍郎

承訓周福

六世

見上子

子侑

七世

左司諫○高麗穆  
宗改左右補闕爲  
左右司諫秩六品  
○麗史李周佐慶

補祚功臣門下侍  
中舊譜官司錄補  
祚功臣似 贈職  
○按載寧李氏譜

子修連

八世

以子侍中之貴當  
有贈職而舊譜闕  
而不錄

子寵暹

九世

門下侍中○高麗  
成宗置門下秩二  
品

子春貞

十世

順興府使○順興  
今爲金海府

子玄福

十一世

見下

子春林

子祿千尙書○祿千  
八世孫存吾正言號

天

慶州李氏世譜卷一

一

歲乙未秋吾宗派譜之議始發而自得姓以後累經修譜不無大譜派譜而惟我 尙書公派派譜則一未有也常慨切於此而有志未及世道亦降矣大同合族豈非美哉不可無親踈遠近之別矣近親踈遠理之固然者歟故先急於吾宗派譜京鄉翰議詢謀僉同設譜所于大田而族兄圭顯族弟圭正圭年圭興圭斌族侄鍾淳因與遂意奔馳四方敦宗收族其最著者也嗚呼散在八域諸族血誠不過數個星霜而事至完成雖曰速成是豈非在天祖靈之輔耶詩曰庶民攻之不日成之吾族之同心協力正謂此乎曰若稽古有訖工告成之例而吾派譜今纔始成不可無一言故略述顛末如右云

丙申小春

日

裔孫圭昂

謹跋